

228561

東師工學院圖書館

卷

〇二七三

崔字

卷

〇二七四

崔字

卷

〇二七五

陂字

卷

〇二七五

陂字等



永樂大典

三四

永樂大典卷之二千七百四十三

崔

崔烈

文苑英華崔烈論

漢室中葉戎狄侵軼之患遠郡累無寧歲

兵連禍積歷世不已天下以困用不足權酷租算之外乃許民

間竭產助國出金贖罪雖以爲郎以爲經世之術救弊之務逮至桓靈之

世天子要之百萬然後用爲三公崔烈常以賄求備位於公輔問其子外

以我爲何如對以銅臭之說垂於前史然近之其貶人主無桓靈之辭自

咸通之後上自宰輔以取方鎮下至牧伯縣令皆以賂取故中官以宰相爲

時貨宰輔以牧守爲時貨銓注縣令爲時貨宰相若干萬繩判吏若干千

繩令若干百繩皆聲言於市井之人更相借貸以成其求恃權居任之凡

若有所求足其欲信又倍於科矣爭圖之者仍以多爲愈彼十萬我以二

十萬彼以二十萬我以三十萬自宰邑用賄之法爭相上下復結駟連騎

而往觀其堆積之所然後命官權倖之門明如交易太三公宰相坐而論

道平治四海調燮陰陽爲造化之主方鎮牧伯天子藩屏以固宗廟社稷

之重判史縣令。為士民教化之首率皆如是。不亡何待。慮其心而聞其謀。即皆販婦之行。一錢之出。希十錢之入。十萬者。望二十萬之獲。三十萬者。圖六十萬之報。盡士民髮與骨髓。尚未足以厭其求。漢之亡也。人主為之國家之禍也。權倖為之。或曰。兆其豐者。崔氏之子。為子鼓作。不朽之罪人乎。武帝聞之於前。桓靈成之於後。以至今日。鍾氏作孽而行之而已。且烈之世。不聞教子以義者。不能遺子孫以清白。多藏若是。俸祿之所獲者。不及於昆弟親戚矣。不飽隣里鄉黨矣。其賄賂得之乎。今日周之以遠。延不亦是乎。且桓靈之世。國家既危。喪亂日臻。烈能盡用以榮其身。他日之家。謀且鼓作。且曰。烈為相矣。不如是。亦群道。鼓作之所奪。多積之者。過非用之者。罪也。被髮而祭。於何。左傳作野者。卒有知其必戎。作俑者。其無後乎。仲尼懼其徇葬。蓋知防其漸之日也。明明天子。許而行之。何罪之有。崔子素無異聞。貪榮固利者。小人之常也。不施於親戚。自圖於爵位者。亦小人之常也。何足加其罪。有國家者。不以仁義而務財利之道。許而行之。斯不可矣。不許而自行之。而不能知之。又不可矣。是亦覆國家者。不亦過乎。

崔善正

唐宋名賢雜論范祖禹論崔善正言錡不法上祇送錡錡坑殺之曰宗本惡崔善正直言故使李錡甘心焉善正之

死。非特以告錡也。錡天下之口。而長姦臣之威實。德宗殺之。是朝廷殺諫者。非錡殺告者也。張唐英論浙西布衣崔善正上封事言李錡反。德宗械善正以賜錡。俾坑殺噫。善正一布衣也。如稊蘆則有八珍之甘。處蓬蓽則有藻稅之樂。非食國家之祿。有憂國家之心。蓋以慮肉食者夫於廟堂而黎民抱骸於草莽。故越數千里至京師。上言首言錡之叛。為德宗計者。宜念古人之戒。欲入澤者。問牧童。欲入水者。問漁師。以其知之審也。宜先遣一詔使。巡行江浙。察錡之志。有無叛上之謀。察善正之言。審與不審。然後以善正付法。未為晚也。何至問聰道明。械之以賜錡。使忠義之士。死於無辜。以箝天下直臣之口哉。為錡之計者。已既有不臣之迹。致善正諫言。朝廷釋然。不以為信。則宜翻然悔禍。納于歸朝。亦不夫一節度使。彼善正者。雖發已之惡。宜寬而恕之。上章於朝。請德宗任用之。以來天下直言之士。則可謂善補過矣。德宗既編急。而以善正賜之。李錡又不悔過。從而殺之。至憲宗之初。錡果叛。則善正不為狂妄。宜下詔旌賞。爵其子孫可也。而天子與公卿大夫。卒不議及於此。善正可謂生死無有一人知者。可哀也哉。

崔喬

唐末名賢。確論范祖禹論。謀誅宦官不克。因陰結朱全忠。請帝幸東都。韓全誨結李茂正。劫帝鳳翔。曰崔喬本與韓全誨爭權。

因昭宗懲幽辱之禍。謀盡誅中官。故全誨黨李茂。其裔結朱全忠。各倚豫藩。以爲外援。而岐汴亦憑宦官。宰相內爲城社。以制朝廷。故裔召全忠以兵入朝。而全誨劫帝西幸。唐室之亡。由南北司相吞滅。而人主受其禍。豈不足爲將來之永鑒哉。

崔某

呂和叔集故傳陵崔公行狀。唐故銀青光祿大夫守工部尚書致仕。上柱國中山郡開國公。食邑二千戶。贈陝州大都督。博陵崔

公。曾祖諱承福。皇朝太中大夫。廣越二府都督。祖諱先意。皇朝朝議大夫。鄧州刺史。父諱獻。皇朝朝議大夫。鄧州長史。贈左散騎常侍。狀斧藻。天理立爲人極。敬終端本。彼所以將就誠明。褒發勸存。此所以砥礪名譽。然而以道行己。晦而獨光大。君子之行也。以法考行。直而無黨。賢有司之職也。且曰。獻狀則唯所知。公清職而和。博厚而敏。岐嶷而夙茂。羈貫而老成。情約性充。靜專動直。出入孝悌。周旋忠信。始以經明上第。調佐夏陽。次以詞薦甲科。超尉王屋。事迫於官。而舉言迫於事。而揚欲藏智。而蒙滯來求。不近名而聲華見通。故相左僕射張公。時尹洛京。首得才實。洎鎮荆蜀。致於幕府。再兼理官。專領記室。捷筆良書。三邦有聞。旋遵內艱。毀瘠僅立。善居得禮。族黨稱之。免喪之歲。天子南狩。太尉西平王大會兵車。將圖匡復。公首膺辟任。濟發義心。琴木

成聲。獲及於路。感激而將呈芒。怒謀謨而兵侵廓清。革華既還。優典斯及。拜殿中侍御史。時有寵臣爲京兆者。政以暴聞。吏有冤弊。公表陳狂直。伏閤待罪。言忠主悟。事寢風生。以繩違稱職。轉侍御史。以求瘼。慎選爲華原令。大兵之後。旱歲爲虐。公勞保不倦。地張以宜。復沛膚於潤屋。闢曠土爲多稼。歲改歙州刺史。地雜歐駱。號爲難理。下車而簡其約。未春月而明其信誓。然後破散溪聚。剪鋤山豪。既去害群之奸。遂寧跼險之俗。徵拜長安縣令。成聲先路不肅。而理銚刃餘地。所授皆虛。權同州刺史。圖歎於豐壘。賑馬鞬。號里倉者三百所。而凶平備矣。或以暴骸論之。遂朽成薄塋者九百家。而奢俗懲矣。郡人有豪奪鄉悞。陰持吏失。朋構紛獄。累政所患。公斷以尋斧。破其囊橐。人樂其然。而法制行焉。郡城自禦寇之餘。復脩治盡。朝貢所經。夷夏何仰。公悅使樞員大興版築。下不知役。而高固立焉。其餘則去思有碑。祥在萊迷。可覆視也。朝議陟明。遷于陝。肅。封介晉楚。寄分函。詒而戎備不脩。兵庫虛閑。公乃鳩工以利器。閱甯以練卒。金革中度。義勇知方。既而有淮西之役。晨令募具。凜然而可觀矣。河出城下。道舟爲梁。經始匪工。賊決相繼。公乃沉石而雙固中。泄省繼而三分。巨泓水與意會。勢若天成。既而有奔濤之瀾。智勝功顯。終然而無害矣。其餘則三降豐書。就如

爵秩是明微也。移疾入覲。貳職冬官。歸載不過圖書。留府益乎來第。豐公納於於是乎。居既焉。陳乞以尚書致政。室不交要路之賓。口不言當代之事。就陰委順。談者多之。公自解帶。至于撤樂。思不踰矩。動不越思。以忠貞爲仕模。以勤儉爲家訓。身居侯郎。清節如初。男降玉姬。素風逾厲。羈孤聚室。人各忘其亡布褐分庭。士不知其貴。體溫柔而事至能斷。性坦易而物莫能寵。當官不務於名聲。所去必遺其功利。昨臨尚在。時論可徵。已邇書墓之期。請舉易名之典。謹狀。元和三年四月日。故銀青光祿大夫。守工部尚書致仕。贈陝州大都督。博陵崔公。從外生。朝議郎。行尚書司封員外郎。上騎都尉。賜緋魚袋。呂某謹上。尚書考功。未立身之道。始於君親。中於人。終於身。若府君者。居喪有聞。臨難有功。善其始也。勤於官業。惠于鰥寡。敬其中也。家事以理。年至而退。謹其終也。率是三懿。光于前訓。以咨謚法。無愧至公。謹狀。

崔獻

文苑英華楊炯撰。左武衛將軍成安子。崔獻行狀。祖弘壽。隋獲嘉縣開國侯。父萬善。皇朝左監門將軍。持節。隆州諸軍事。守

隆州刺史。按唐世系表。弘壽左監門將軍。獲嘉男萬善。開州刺史。上護軍成安縣開國男。謚曰信郡縣鄉里崔獻。獻子本作大。元年六十七。大推其

天命南端上將之文考其地靈北極崆峒之武厥次有東方曼倩卓集作
平達於孫吳瑯琊有諸葛孔明深期於管樂貞觀九年起家太穆皇后稅
郎十六年授營州都督府參軍事燕齊遼遠所以分置營州天子命我以
參卿軍事太宗文武聖皇帝把金鉞動璇璣發四方集作西土之人爰整
其旅問東夷之罪恭行天罰公自家刑國資父事君樂王紱之神武業班
超之筆硯一鼓作氣方輕肉食之謀七旬舞干始受昌言之拜二十三年
遷徐王府西閭祭酒梁王武孝漢皇之少子廣東苑屬平臺則司馬相如
所以騁其詞賦陳思王植者魏國之天人遊西園擁飛蓋則邯鄲子淑所
以爲其賓友永徽六年授晉州司士龍朔三年遷岐州司戶剪桐垂棘珪
璧相輝紫鳳寶雞休祥御至從乾值吳之風土被山帶河之國邑邦君坐
嘯步推太守之名鄰國從遊始屈陪臣之禮尋丁外憂三年泣血一慟能
使禽獸莫觸其松柏神仙每留其玉石春秋忽變有君子之終身金革不
辭達賢人之俯就麟德元年有詔起公爲左威衛脩仁府左果毅都尉仍
命右羽林軍長上衆與歷日月步山川詳蓋地之圖書聽千雲之律呂長
城十角盡入提封高闕三襲並馬州縣於是九姓抗表請築安北府城詔
公馳驛許以便宜從事則榮奉中旨計日期運稅降鑒與待於故都樓上

雖復東西萬里張博望之尋河。紫橐千金陸大夫之使越。猶未聞降星蹕。迴帝車。擬於陶侃和天門之八襲。方於晉陽留白日於三舍。若夫類上帝。編群神。則孔宣父之所刊者。五季一符。登泰山。禪梁甫。則管夷吾之所識者。十有二君。秦皇致風雨之速。魏后積貂羊之耻。夫名山之所望。非我后而誰哉。是以馭蒼龍。搖玉果。作草履。陰陽不測。發揮於作樂之文。天地無於揖讓於升中之禮。公陪祠汶上。虎蹕梁陰。列藩衛於環呈。受嘉名於捧日。與夫茂陵之下。獨留符命之書。河洛之間。不覩漢家之事。豈同年而語也。朝鮮舊壤。歌其作。箕子之風。謠斗骨危。咸屬河孫之背。誕地惟孤。竹不聞謙讓之名。親則同株。曹無恙。難之意。特退金唐。書作。永男。生以蕭牆構孽。蔓草方滋。欲去危而就安。思轉禍而為福。請歸有道。所向。其作。使者望夫天皇懸一物之推。滿詔公於國城內迎接。先之以造化之大。示之以雷霆之威。受其璧。焚其纓。使微侍子。來朝京闕。亦猶鄭主憑城。入齊國而下其城。賁誼上書。伏匈奴而答其背。乾元元年。詔遣游騎將軍左威衛義陽府折衝都尉仍如上柱國右羽林軍長上如故是歲也。太子太師英國公登壇。以其作。而拜。鑿門而出。紫泥明詔。不入於三軍之中。黃石奇兵。自行於九天之外。山林為室。不能有藩籬之險。魚鼈成橋。不能有逃亡之路。詔

公出使預參帷幄，進奇策，納嘉謀，攘無臂而執無兵，戰必勝而攻必取，斬大風之翼，霧卷青丘，卧長鯨之鱗，煙銷碧海二年，以平夷功，詔除定遠將軍，右武衛中郎將，檢校左羽林軍總章二年，詔遷宣威將軍，守左武衛將軍，檢校右羽林軍，其無此句襲封成安男，咸亨二年，進爵爲子，尋奉別勅，檢校右羽林軍，餘如故，太夫人以桑榆晚節，霧露沉疴，減年歲之扶危，受皇天之集作生辰，而賜藥屢陳表疏，方請告歸，頻降絲綸，未蒙優許，則知忠臣奉上，多從孝子之門，受命臨戎，始見忘家之事，潘安仁之里第，始奉輕軒，張景胤之純深，終悲畫扇，儀鳳三年，以內憂解職，尋降詔起復本官，四年，加雲麾將軍，正除左武衛將軍，檢校右羽林軍，如故，王人奪服，邊聞趙意之表，明主相憂，獨許何曾之毀，且割哀而從禮，將以義而斷恩，受軍麾命服之數，掌期門飲飛之職，以漢宮清署，忽照邊烽，秦塞長城，遂聞胡馬，匈奴未滅，霍去病是其作所以辭客，天子動容，周亞夫於馬，不拜調露元年，詔公龍門鎮守，兼於夏州防捍，飲冰受命，倍道兼行，鞍甲成勞，晦明爲疾，璽書降下，其作門即日追還，中使接跡於家庭，尚其作上藥，調膠於錫，養人主詎幾，神道何知，仰觀於天，值三軍之呈落，俯察於地，達五將之山崩，詔書來北斗之門，圖象在南宮之壁，以三年秋七月薨於紫桂宮右羽

林軍之官第詔賜御食并錦被一床常服一襲雜米百五十段贈物一百段粟一百石初書弔贈禮越常班喪葬集作日所賞數優恒典琳瑯觸目日月在懷陶謙則戲引幡旗賈逵則常陳部伍閨門有德歡若友朋事君無隱心如鐵石至如出車投鉞東征西討孤虛向背則雖女子之衆可以當於丈夫前後折旋則雖婦人之兵可以隔於湯火免起而梟舉龍騰而鳳飛無戰不平無城不尅有如馮異羞言大樹之功范集作或似曹連不受黃金之賞太平之事業行矣人主之恩榮備矣山河之寵久預同盟社稷之臣俄悲輟祭聖君興悼列辟相趨觀高鳥而歎良弓聞鼓鼙而思將帥宏圖秘畧實無得而稱焉追遠飾終請有易其名者謹狀永隆二年正月十一日改左武衛將軍成安子府功曹某上尚書省考功名也者功之表也謚也者行之跡也公叔文子曹季四隣之交熙妻先生有餘天下之貴謹按故府主左武衛將軍上柱國成安子崔獻誕靈辰昴降德山河漢陽間忠許有良平之策穎川徐庶知其管樂之才生觀太平仕逢明主秋風金鼓有司馬之論兵吉日壇場有將軍之拜職任重而道遠功成而身退奄息百夫之特彼蒼者天相如千載之人猶有氣象集作士氣是珠襦玉匣禮備於逸終筮短龜長事集作日從於先見某作逸易名之道蓋叙

之於舊儀，累德之文，故一
作五帝之於執事，謹狀。

崔某

唐柳宗元集為章京兆祭太常崔少卿文。維年月甲子京兆

尹常夏卿謹以清酌庶羞之奠敬祭于亡友故太常少卿崔公

之靈惟靈率是良志蹈其吉德炳蔚文彩周流學殖永儀切在氏未學殖

也。注：殖猶生長也。孔氏之訓專其傳釋黃老之言探乎幽蹟士革切六書

奧祕是究是索六書一曰象形二曰指事三曰會意四曰假借五曰形聲

六曰轉注並字學叩爾玄關保其真宅藝成行備披雲騁跡康莊未窮

雅道五達謂之康六達謂之莊濠汜已極。注：濠汜音似楚辭注汜水涯也。言日出東方暢谷之中暮入西極濠汜之涯。嗚呼哀哉風歲同道從容洛

師。書洛誥：朝至于洛師。唐東都接袂交襟以邀以嬉策駕嵩少。嵩少山名在河南府。游舟滢伊。游音素。隳伊二水笑咏周

星。左傳：二星終矣。謂十二星其懸熙熙丹霄可望青雲可期洛中十友談

者榮之。惟鄭洎齊各登鼎司。鄭除唐丞相或長或存山川是遠。繫我夫子

繫鳥芳。鳥芳二切。宜相清時命之不遐孰不悽悲。嗚呼哀哉。佳佐居守及

爾同寮。突逝交轡。匪夕則期。入同其室。出聯其轡。平驗切。馬衡也。按文報

章既歿且謚。及我爲郎。優游吏部。公爲御史。持憲天路。文陞徐越。眷戀相顧。歡愛之。分有加于素。自我于遠。歷刺東吳。離憂十年。復會名都。余爲侍郎。銓總攸居。實得茂彥。奉其規模。聯事合情。又倍其初。我尹京兆。公亞奉常。步武相望。佩玉以鐙。謂保愉樂。長此翔翔。抱疾幾何。忽焉其亡。嗚呼。痛哉。原念往昔。愛均骨肉。我有書詩。盈君尺牘。寤言在耳。今古何遠。夫涕興哀。副副往哭。撫筵一呼。心焉摧刺。昔人切日月逾邁。佳城遽卜。素車千里。遙迤山谷。遂於危切。迄今切晦。爾精靈藏之。斧屋。禮祀。檀弓。孔子曰。若復夏屋者。見若斧者矣。馬鬣封之謂也。嗚呼。哀哉。丹旌卽路。祖塋在廷。去此昭昭。就爾冥冥。敬陳洞酌。以告明靈。詩大雅。洞酌彼行潦。注水之薄者。達酌取之。臨觴永懷。庶寫哀誠。嗚呼。哀哉。伏惟尚饗。

崔景暉

文苑英華李華撰太子少師崔公墓誌銘 聖唐祖宗重光丕變萬國玄宗肅宗今上三后繼明格于上下其輔弼

之臣曰趙公奉先少師之訓有大功於王室少師諱景暉字某清河東武城人也。惟成於姜水氏。曰有呂德莫厚乎粒蒸人。大庭之烈也。勲莫盛乎除暴虎。尚父之明也。讓莫大乎推社稷。季子之高也。丁公之元子曰季克讓。乞歸老於崔氏。宜乎其盛也。八代祖元孫宋度。及郎中。以忠順烈。見危

致命夫人携二子亮敬默依夫人之堂提志羈孤之中安親危窘之際亮即公七代祖也八爲尚書一馬僕射孫肇官至中侍郎元子北齊安州總管府後諱道淹公之曾孫也生萬年主簿臨沼令諱方審公之大父也生武功主簿贈吏部尚書諱真固公之考也郎中殉王事僕射利生今中書之名望安州之道德臨沼之愛人武功之體道荀淑以盛德及子陳寔以素風及孫誠哉吾聞語矣今見其人也公孫抱太夫人終童幼武功府君遊根於至性野過乎哀鄉黨憐之皆曰純孝既除喪外從禮訓內積憂慕吸菽飲水勵志讀書誦無遺文釋無適義皆一覽也年十七與親兄皎同舉明經調補梁州南鄭尉轉蜀州晉原尉前後使臣表公第一遭大理評事親累貶利州葭萌丞歷梓州鹽亭丞樂天知命貞獨自晦君子哉改晉州司法參軍政尤一道判吏按察皆以上聞充河東支使軍畢尚書補爲連帥也假公判官仁者悅不仁者懼遠屬終於官舍春秋四十權厝於邱山玄元廟西北原識與不識罔不相弔時人之安放後人之不棄榮陽夫人鄭氏皇兵部郎中衡州長史玄昇之女吏部侍郎平章事情之妹終於京兆崇賢里權厝於長安東南杜陵原夫人鞘佩紛綵禮記內則婦事舅姑佩紛悅金埏以寧顏色澄皋酒以奉蒸嘗輔佐君子終要之室也撫導

賢徽孟軻之母也。內訓傾謝婦儀無匹。嗚呼哀哉。大曆四年。龜茲從吉嗣子圓尚書右僕射趙國公。奉先少師夫人之哀。惟合祔於河南北。印山某原禮也。趙公初爲益州刺史。屬逆羯內。向天下兵起。至尊出長安避狄。未有岐下之都。因奉表上迎保寧聖德。還爲中書令。翼大明復天下。肅宗中。養玄宗中。慈趙公之宣力也。事今上鎮揚州。爲吏部尚書左僕射。崔氏之門。公盡善哉。洪河在北。清洛在南。二室之下。卽原高起。是地也是宜。君子幽宅。寧於斯。永保子孫。昌於斯。其文曰。翼翼孝嗣。銜哀不言。祗感永思。常試討論。齊爲霸國。鄭甸姬姜。協德貽慶。復昆在晉。貞烈有魏。興播遼建。都公將南。韓造舟人使。聞漕利源。宜有令胤。中書玉振。安州營道。臨洛體順。尚書葆光。公以德鎮。既輸典刑。亦清維晉。天不我道。時將騎師。夫人之德。柔善有則。鼓鍾于宮。聞于四國。從夫訓子。天下是式。不及幼。喪趙公周極。先誕趙公。孝義孝思。奉若先訓。其貴如斯。今日之祿。先人之慈。保寧幽宅。天地無期。此是年相在間之久。

贈太子少師。乙誤入事相門。今移於此。

崔志堯

騎省徐鉉集故唐朝散大夫尚書水部郎中崔君墓誌銘。公諱致堯。字用之。其先清河人也。周室大風。肇洪源於

公望漢庭明月抗忠節於季珪德厚流光謀孫翼子冠蓋之盛莫之與京
我高祖翼亮有唐四至丞相曾祖彝不仕祖壽吏部員外郎考億建州建
陽令值天下亂因而家焉令爲建安人也君少而不羈長而好學介然如
石非禮不行鄉曲之名藉甚於世季唐嗣業博采時才君以卿族之秀獻
書求職補江州彭澤滁州清流二主簿改建州浦城軍判官所至有聲應
用不暇再爲建州將樂令其他巖險其民獷悍寇攘亡匿率以爲常君厲
以嚴明信其刑賞汙俗咸革比戶安居遂獲真幹之稱又遷紀綱之佐改
常州錄事參軍運考善最擢拜殿中丞遷虞部員外郎郡國之政多使案
治忘身徇節綽有能名無何都下受兵群師入復以君爲水部郎中實掌
軍餉既而時運告謝宗社淪胥諸侯之師莫不卷甲君與其部將南趣建
安中途衆潰遂沒於難春秋若干嗚呼興亡之數聖賢安能免忠義之節
顛沛必於是不然何以見伯夷首陽之風王蠋布衣之操也夫人吳氏克
有婦德能緝素風貌是冰離不墜門閨子憲寔定等皆稟庭訓成脩詞業
憲在舊國以進士擢第入朝爲潁州沈丘尉復從州里之舉皇上臨軒親
試文擢高科爲隨州觀察推官所謂善人必有余慶某年月日憲等始備
大塋之禮號奉靈樞定于某州縣鄉里之原禮也銘素熟君行學因銘墓

馬銘曰。嗚呼崔君。百世清芬。忘身殉國。斯為真忠。種德垂訓。斯為慶門。茫茫故園。義義高墳。沒而不朽。用勒斯文。

崔某

唐李華集淮南節度使尚書左僕射崔公頌德碑銘。昔在石公相武王。除害去虐。敕命帝廷。周公佐成王。卜洛定宅。登頌清

廟。舉康王會朝。豐官克致。太平惟崔公亦相。玄宗保寧聖德。鎮安天下。輔肅宗掃除凶穢。紹享天命。今上振宣明威。撫綏淮海。惟中伯翊宣王登南邦。興周室。小白率諸侯征楚。崔奉王職。與崔公叶德。同勲。皆姜姓也。未議威德。論大功。贊大賢。舉其殊倫。卓然昭明。不已書其細甲大體也。故詩陳方叔之烈曰。方叔元老。克壯其猷。又美韓侯之封曰。有倬其道。韓侯受命。今述崔公亦不名。不備官。古之制也。後魏尚書亮八代王公海內首族。人倫德範。公少負文學重名。且兼宏畧。揚于王庭。甲科入仕。歷京兆倉曹參軍。再遷司勳。負外丁太夫人憂。以毀聞。終喪。拜刑部員外。兼侍御史。知劔南節度留後使。逆臣起幽陵。陷潼關。至尊哀兆人。思古公避狄之義。於是帝車西南。依我心膂。拜中書侍郎平章事。劔南節度採訪使。玄宗克讓聖子。家為唐虞。公出納王命。至于朔玄。獨諧二聖。孝慈光明。自西自東。殄殲元惡。天討之師。炭如山行。冠若霜葢。鼓燎無存。帝曰。爾圖實叶朕志。官